

福建通志



福建通志



福建金石志卷十四

石十三

明一

方井石刻 在霞浦 洪武中

若要重開降是龍來

馮志云在霞浦縣洪武中知縣尹昌隆重浚得刻石云云

雙鯉瀨刻石 永樂初

銀河通

永泰縣志云在赤岸水尾篆書鵠與銀河通四字無年月姓名故老相傳為永樂初林廷選書或云吳彥清書漫漶不可辨識沃以水始得讀

惟與字及銀字偏旁尚完善

雪峰崇聖禪寺碑文記 在侯官 宣德八年

永樂十七年冬子奉使閩粵登覽雪峰之勝適值任持達並號秋崖開蓋

福建金石志 石十三

新徑轉偏隘為弘深由萬工池以達山門浚池建橋撤舊更新規模壯觀

經始之時予適至寺眾僧歡躍以改作占祥之應予亦喜其山林清蔓因

留宿宿甚公乃從容謂曰茲山來自武夷延袤聯簾歷數百里以至於此

乃巍然高聳削拔層空蓋閩地多煥冬罕霜雪惟茲山勢接剛風氣候倖

於中土冬常積雪故名雪峰唐貞覺祖師駐錫於此創建梵宮歷年既久

屢興屢廢今 聖天子興崇佛教凡名山古跡皆葺而新之僧錄以雪峰

名剎非戒行老成者不足以當興復之任乃諭永樂二年詢謀僉請以前

欽選任泉州大開元寺潔菴映禪師來主斯席師姓洪氏名正映號濯

菴世居江右之金谿自幼托跡沙門不茹葷茹愛具足戒於杭之昭慶寺

得法於靈谷巽中禪師遠近亦江右臨川人因得隨侍嗣法分葺玄沙而

登山之日殿堂門廡俱為五礫荆棘師即慨然感嘆奮志興復誓不下山

寒暑一衲脇不沾席是故八閩崇敬四眾皈依積檀于廩伐木于山陶瓦

甃而備器用越五年佛殿成又明年法堂三門同日創建弘碩雄偉視舊



有加肖像端嚴金碧輝煥於以上祝 聖壽下祈民福功德之大不可思

議一旦師論遠近日汝興復玄沙功業已竟茲山創置大體固具然廊廡

僧室尚未周完予年已衰邁欲歸老靈谷非汝不足以繼吾志遂移檄僧

錄於永樂十六年以達莊升代師任夙夜惟謹猶不敢忘其付囑凡所未

備者悉為成之復按茲寺創始於真覺其示寂之際預留識云石塔卯爆

杉枝拂地盡竹節生五百年後吾當再來至潔菴登山適五百二年諸識

俱驗如合符節况師顏貌又與真覺無異故人咸以師為再來之真覺也

此固不可以無記願賜一言勸諸真戒用垂不朽予惟佛氏之興肇蹟已

遠其教以持戒守律為初地以明心見性為實際學其學者勞形苦志困

粹山林宴坐默存求底於常樂常住不生不滅之域又何與於寺之輪奐

焉然象教之設大衆瞻仰人心之感先乎目之所見觀殿宇之巍峩像設

之嚴肅則敬心悚焉而生敬心生則萬善由是而積自漢以來教日益盛

寺日益盛至於唐宋間有推沮排抑欲廢其教者誠以盈虛消息皆係乎

福建金石志 石十三

數有形則有數惟法無形固不囿乎數佛與僧寺皆有形者豈免於數乎

姑以此寺言之自真覺至於正映幾五百餘年興廢不知其幾至是果應

識而大興者豈非真覺能知乎數而預為張本乎自小世界至三千大千

世界乃至無量無數微塵刹土皆始於成而終於空終則復始展轉循環

無有窮已一切有為之法亦復如是而有無始成無任無壞無空者存誠

觀乎寺今既成矣而汝又在其中矣其壞其空寧保於後日乎雖然誠能

盡汝今日成任之責必堅必確使無速朽吾為汝記俾汝後之法嗣厥子

若孫因吾之言思紹汝志繼而葺之使不致于屢壞屢空是亦汝與汝師

常任手中也 正日唯唯遂書以為記

資善大夫行在禮部尚書院胡濬撰文

奉政大夫翰林院學士兼左春坊大學士廬陵胡廣家額

賜進士徵仕郎行在刑科給事中三山姚銑書丹

宣德八年歲在癸丑二月初前任當山達並同當代任持良琛立石

案見雪峰志

重建道原堂碑 在漳州 成化四年

漳州治城之西北有臺屹然曰臨漳實據溪山之勝宋紹熙庚戌紫陽朱夫子守是邦登茲臺而愛之欲築讀書之室不果寶慶乙酉郡守危植始做白鹿洞規築龍江書院于臺之下成夫子之志也淳祐丙午郡守方來復於書院之東偏構堂三楹肖夫子之像于其中配以高第北溪陳安卿每歲春秋率庶僚暨邦之羣彥祀焉而顏其堂曰道原蓋取夫子與北溪授受之語也其後邦人復以勉齋黃直卿附食于堂蓋勉齋亦閩人且嘗講道夫子之門者也迨宋社既屋書院燬于兵遺址歸浮屠氏惟堂巋然故處歷歲既久屢圯屢葺然規制隘陋宋棟欽推有識者憫焉成化四年春正月福建按察司僉事臨江周君守謙行部至漳謁謁遺像周覽慨然顧謂知府英山王文同知舒城胡珉推官南城江白曰昔之思召伯者不忍伐其所爰之棠思萊公者不忍傷其所植之柏茲堂實朱子之明靈攸

福建金石志 石十三

三

福建通志 卷二十六

案見何文肅文集

福寧節孝祠碑 成化八年

元福寧州尹王公諱伯顏字伯敬霑化人也起家宣使為祁陽令調烏程以循良稱遷信州推官數辨冤獄所全活者甚眾至正九年以大臣論薦擢朝列大夫福寧州尹至之日黜奸吏誅元豪敷賦籍均徭役修學官以教諸生建禮殿以祀先聖福寧翕然稱治尋陞福建轉運副使會盜起徐蔡蔓延及閩羣兇相煽為變漸迫州境民留公不得行公乃築壘門募民

兵守之嚴候望謹烽燧賊不敢犯十二年秋賊陷寧德掠羅源勢益張冬

十一月賊與建寇合兵來寇公遣巡檢阮完澤率兵出禦之而命千戶嚴伯顏不花至薄陳文積守西門完澤遇賊于古縣戰賊死之嚴陳懼不敵開門先遁賊突入公聞之亟帥親兵迎戰連鬪數合不利遂被執賊帥坐州治召公詰之公掀髯歷階而升賊叱曰強盜猶作能耶公罵曰汝本販鹽盜縣官何負於汝而反顧謂我為盜耶賊怒叱之跪公兩手據地不為動賊益怒令撻之公詎曰吾為天子吏願可斷身不可撻遂死於東門之外立而受刃血出白如乳民哀之哭聲連巷明日賊執公仲子相及其婦潘至相罵曰吾父已死吾豈苟生者何不速殺我當為鬼以滅賊耳賊忿其言引出斬之潘有殊色賊欲汙之時潘羞未彌月不可近乃閉之空室不食數日而死寇退民歛公權厝于郭東之佛宇明年公長子積貞公遺骸歸葬行臺廟史余公闕以其事聞命立祠學宮之右而以相與潘伯食焉元末祠燬于火成化壬辰秋八月予行部至福寧耆民林蕊等相率請

福建金石志 石十三

四

福建通志 卷二十六

案見何文肅文集

小西湖題字 在莆田

小西湖

閩部疏云興化城中有水從西來堰之立石紀小西湖三字字遺而有謂太守岳李方筆也岳以閣臣出守故能破文法行已意然亦被謗書彭惠安郡人也力明其無他僅得致仕案岳正字季方潮縣人正統十三年會元出知興化府築隄溉田數千頃

威推重之正德初齊坑會祖墳被富強旁侵營葬族眾懼弗敢敵公毅然
曰殺身成仁彼何人邪遂口口口身訟于官勢孤見室經歲繫獄待御王
公至為親訊委官到山口地若干東至口口石直抵山脊西至溪口大路
南至山坑北至朱家祖墓驗山溪原係景純公開鑿至今猶為行道口碑
事明富強抵法毀塚公志得口口口口薄盡矣孝子高公惟一景純公外
孫也雅道公賢謂祖墳微公極力必轉口他姓矣曉夫公行為若此宜其
篤生令子翊邑聲弘盪冠誥好勲烈表世公之世口將自是久而彌昌也
夫公卒于嘉靖丁酉五月初一日寅時享年七十娶王氏左叅政王公英
女太僕少卿祿之妹也性內甚賢先公三年卒享年六十有五嘉靖戊戌
仲冬十有四日與公合葬齊坑公于鴻即新興少尹也娶朱氏繼南氏女
姑適義山黃氏口源孫男應元應魁應科應選公以墓葬地溼嘉靖戊午
十一月十一日即本地遷而上之石泉公與朱南壽域統耐焉
銘曰逝者法云不往者存既濬其源口流必長吁嗟盧公惟善之敦我銘
福建金石志 石十三

福建通志 總卷二六

斯文以俟其後昆

明嘉靖己未仲春吉旦將仕郎廣東新興縣主簿男鴻泣血立石
芝山葉世隆刻

竹間十日話云明東川盧公墓志銘已被石工磨礮字形約略可辨錄
其文云盧公戊午改葬至己未立石銘石未納壙中明矣王英正統
壬戌進士侯官人王祿字正夫成化壬辰進士
俞大猷立石 在漳州

宋鄭虎臣殺賈似道于此

案在漳州城南二十里

鴻漸山石刻 在南安

海上視師

南安縣志云在鴻漸山明郡守程秀民勒

案秀民字天毓西安州人嘉靖壬辰進士任泉州府知府海寇阮其寶

林龍毛等屢掠同安秀民大戰蕩平之登石井墩臺刻石紀之
鹽政刻石記 在泉州

權天下之鹽以資財計其法至本朝周盡簡便矣而閩中之法尤為便闊
中有八郡耳下四郡皆瀕海鹽所從產其得以法行鹽於其地者上四郡
也行法之地法不行則鹽不售鹽不售則商不通商不通則課為之虧而
財計匱乏之病必及於國故必有禁戒之令偵捕之科以絕民間之私行
者而以法行罰之鹽始得不滯而其所從產之方非法之所行也於令甲
未嘗設為禁戒而偵捕吏兵自以徵候非常不為礙政置也今乃不用於
徵候而每以其偵捕之威施於鬻鹽者舟牛之任載匹夫匹婦之負擔往
往皆見執拘民愚不習於法不知其所罰之不當得執而駭於吏兵輒出
財賂之而後得免其不能具賄則棄其所任載負攜以去而以鹽與吏兵
耳夫所謂緣法為虐者猶有禁戒之令直於輕重多寡之間託倚以為低
昂如於法不得以舟載者而議及乎牛任不得以牛任者而議及乎人荷
福建金石志 石十三

福建通志 總卷二六

雖其作奸起暴尚寄於可援之條是也今鹽之所轉徙水浮則用舟楫陸
行則引牛馬而匹夫匹婦之負擔不能以幾於此手產於此手鬻第轉之
於津漚荒蕪之濱而致之市落山谷亦何以異乎蔬粟穀粟之行於民間
而鬻此者空以姓名橫被議求是下自為法也民苦此久矣比者余栢坡
公以按察僉事分巡是邦敢橫刷奸聰明旁燭而司徒新山顧公以重德
高年為一方著蔡部使者至郡必禮其廬以資政俗之得失顧公乃以民
之苦為告余公為慨然出禁於是載任負販之家曉然知其所罰之物之
不當得執無畏於議求偵捕吏兵亦洒然濯去昔日為暴之心而無所覲
於此也已而方西川公來為郡首江邑侯朱肅菴君亦繼至敬事愛民推
行尤慎於是鹽之鬻於民間無異果蔬穀粟之通行流布而無所害此鹽
轉徙必集於新橋浯溪之渡近渡居民常資以為生其黨王憲達羅德靜
甚私司徒公之德羣來涕泣以請曰顧公已矣吾等不忍忘相與尸祝之
於家而尤願一言以記於石政俗安玩之久事之不出於法而為民病者

蓋多矣爲使者有如余公爲士夫者有如顧公告焉必以忠聽焉而決行
推此以及於他民猶有病者鮮矣茲事之細不足記而使與士夫相與
盡心於民有可書者日改月新茲禁將有不復知者暴行又作則此石之
記尙若司徒公之存而諄諄乎其言之也予鄙不敢任政俗得失之論問
而不對者有矣其可以不問而告乎其爲此記蓋嫌於爲不問之告而鄉
人思司徒公之情不可但已也於是乎書

案見王遵巖文集遵巖名慎中字道思晉江人嘉靖丙戌進士官至山
東按察僉事領提學

鄭女玘壙記 在侯官 隆慶元年

女玘名鄭氏閩世家生嘉靖己酉八月二十五日曾祖紹登成化丁未進
士選翰林院庶吉士歷陞戶部主事員外郎郎中廣東南雄知府致仕曾
祖此方氏累封宜人趙氏孺人祖璋封戶部署郎中祖母林氏封安人父
雲鑒登嘉靖丙辰進士歷陞戶部主事員外郎郎中浙江按察司副使備
福建金石志 石十三

九

兵阮嘉壽轉廣西副使提督學校母陳氏封安人女幼而慧爲祖父母父
母所鍾愛稍長習女工即精女工習書史即通書史依依重闔慈孝之意
請然及笄許適樂邑陳憲副瑞之季子長勉少女二歲有待而歸焉年十
有九而天隆慶丁卯二月十六日也諸曰良玉善缺勝陸然歟既卒免大
功之喪卜地懷安縣三都大夫嶺之祖山于女爲高祖瑄贈戶部員外郎
高祖妣張氏贈宜人墓之陽坐坤向艮葬之日則十一月壬申也壙既成
謹述世系歲月併藏諸幽雲盤校淚書

竹間十日話云光緒癸未余擇地北門大夫嶺之嶺頭亭於埧次得明
鄭氏女壙記石高九寸廣一尺七寸就地掩之十八行行十七字正書
似王趙按鄭昭字叔昭雲鑒見郡志人物傳陳瑞字孔麟嘉靖癸丑進
士官兩廣總督兵部尚書子長祚萬曆辛未進士長進舉人長勉戶部

郎中

縣治石刻 在浦城 隆慶六年

西山真天子之鄉
三代直道而行

真西山集附錄云七字在浦城縣治照牆外石上六字在照牆內石上
隆慶六年邑侯曾全覺刊

重建興化府治記 在莆田 萬曆三年

賜進士出身資政大夫南京工部尚書致仕兩奉詔進階資德大夫正治
上卿前禮部右侍郎翰林院學士掌院事同修大明會典郡人康大和撰
文

庠士黃若獻書

興化一郡爲八閩輿區梁陳以前遷改不一載在郡乘可略也至宋太平
興國四年始析泉州游洋鎮置太平軍後改爲興安州元改爲興化路至
國朝洪武元年始改今名今興化衛地其署也後指揮俞良輔奏請爲衛
乃移莆田縣於左廂即其地建府治焉其大勢則北枕九華南揖壺公東
福建金石志 石十三

十

薄穿海而天馬紫帽穀城諸山羅列不蘭壽溪襟帶左右真一方之雄鎮
也靈秀所鍾賢哲輩出入宋以來遂有海濱鄒魯之稱人才文物駁駁興
上國埤迺元政不綱緒衣塞道至正之末城陷于賊民遭屠戮此宇宙開
一大厄也我聖祖龍興列聖相承重熙累洽二百餘年四民樂業科第駁
著至弘德以來蔚然盛矣嘉靖壬戌冬島夷內侵士民嚮導四封之外奔
爲賊區遂至郡城失守公署民居焚燬殆盡此又宇宙開一大厄也時御
史林潤疏請出帑金三萬以濟興復而郡守易公道談適至迺申達于撫
臺汪公道昆巡察陳公萬言守巡劉公何公全即郡治舊址而更新之
凡門堂庫廩賓館神祠以次益建肇工於嘉靖乙丑六月十九日至次年
十月十九日訖工凡用帑銀二千四百餘兩官府聽政之堂士民瞻仰之
地於是序在然規制尙未備也頃池陽鳳川呂公莅任政治之暇曠視遠
觀遇改戟門從障垣關賓館修郡志又於譙樓創鼓角石碑百度維貞可
以復文獻名邦之舊矣嗟夫余嘗上下古今自開闢以來氣化與人事恆

相因者也而一郡之氣化定繫於郡守郡守者一方之師帥職旬宣者又郡守之表率也得其人則上令下供內修外懷纂隆之治由此其遷也若秦越視民傳舍視官上下相蒙一均防禦之略漫不經意如氣化何憶昔嘉靖之末海防久弛民俗參差而秦帥所用皆漳南之兵識者預知為地方之禍胎繼而守缺攝守者鳳總兵參伯閣於機宜而破城之禍至矣此豈可盡歸之數哉今否極而泰時也西蜀二山宋公由學憲轉大參分守吾土以文學飾吏治而昌侯既至又能分猷共濟留心民瘼整飭邊防且持已以廉郵民以惠待士以禮頌歲鄉薦薦甲科斌斌濟美此又氣化更新之一會而宋公之訂謨呂侯之振作功非渺小矣惟時落成之後易公以遷秩去未及諸記茲呂侯偕郡丞唐公執中別駕彭公應乾郡憲何公鑄謂此缺典已久請余記以垂後余老其衰謝擲筆之役久矣第念事關一郡詎不容辭乃舉氣化人事相因之機而深以維持世道之責厚望于後之君子宋公據卿名呂公一靜名金諸公皆一時良吏云

福建金石志 石十三

土

福建通志 卷一六

萬曆三年歲次乙亥夏五月吉旦興化府知府呂一靜同知唐執中通判彭應乾推官何鑄立石

大夢山石刻 在侯官 萬曆間

廟山 馮志云大夢山多奇石刻廟山二字明郡守江鐸書

案江鐸仁和萬曆甲戌進士萬曆間任

方廣巖題字 在永福 萬曆十八年

方廣洞天

閩都記云方廣巖在縣東有石室可庇千人萬曆庚寅林太守春澤子應起募建空華閣于巖下林應憲書方廣洞天四大字刻于石

傳巖石刻 在南安 萬曆間

傳巖 一書

南安縣志云在蓮花峰

集王羲之 觀音大士像記 在晉江 萬曆三十年

觀音大士像記 集晉石軍將軍王羲之書 陳禹訓鐫字

晉江之詩石 夫運互故有亭供養觀音大士菩薩四方善男女皈依受命如轉經來草待而考萬曆辛丑夏江水泛漲溢入大士亭漂像以去或云公海歸禱陀陀伽山故處疑是也里人張升伯偕仲季捐金募緣取大極檀依唐相閣立本畫像作莊嚴妙相像既成首臂指目具慈悲性都人作禮屬光緒記之謹按榜嚴經載觀世音菩薩從世尊座中起頂禮白佛座列於阿那律地憐梵鉢提普賢優婆塞大勢至法王子五十二菩薩後豈亦其世尊學弟子耶但據其所白于時有佛出現於世名觀世音教我從聞思修入三摩地則所師之佛亦名觀音疑今世世所尊奉大自在之身即此其佛而未必受記釋迦與諸菩薩同時頂禮者相傳以為古正明法如來近是或云如來分尊菩薩地近如來欲廣行其教令眾庶易以皈依故退處菩薩位或云大士召身即女身又或云非女身佛有身無身法

福建金石志 石十三

土

福建通志 卷一六

身是身身即非身觀音亦如來如來亦觀音同是佛性同是佛法在世離世性法空寂是名如來離世救世性法慈悲是名觀音心無如來不滅無觀音不生法生法滅不生不滅道有體用權無尊卑一而已矣今大士像於此指語人為大士像眾皆然之指語人為過去之大士像眾未之然也夫吳知現在之像非過去之像乎今居大士像於此指語人為大士像眾皆然之語人為大士像補陀之居非偏嚴塵土乎佛等佛性不等佛號五十二位元是一位三十二位元是一應以觀見觀音非觀音以如來見觀音即是觀音本之世尊亦復如是是為偈白觀音如來身真身本無二何以振潮音由入三摩地觀音有聲無言意萬靈生萬劫世音無言殊甚難逐聲聞忽然度一切觀音以觀觀非目亦非耳聖性無不通實以入聞入流亡所思修空覺滅潮音觀世音所應無住心不生觀音滿十方臂首千萬億亦以無身故寂

滅無滅滅 聞浮無消化 救世出世法 牟尼亦復是 會得慈悲性

乃誣波羅蜜 如是觀法音 但願降慈悲 心地即佛地 劫盡是

須彌 莊嚴名佛像 大士元無相 南無有真言 摩訶唵脩喇

里人翔雲主人李光鑑宗諱甫頓首和南

主之奉大士者編東土而是但敬佛像不見佛性能名觀音莫能名觀

音之所以然六根相持起于聞聲不以耳聽而以目觀音而可觀眼耳

界無矣佛以此自空亦以此為人說法眼耳可無千百億身可有惟其

無之所以有之非有非無是名觀音慈悲之道莫尚乎此余既莊嚴是

像李君宗諱復衍明是法余乃伐石勒之像左令頂禮者瞻之知自心

自性之有觀音不然其不徒以是像為觀音者幾希字集先通議公所

藏宋本聖教序淳化帖洛神賦佐以薦福王免諸碑大氏皆王右軍墨

蹟倘亦敬佛之一端云時萬曆壬寅中秋望日里人大觀主人張允泰

升伯甫頓首和南識 張允泰觀伯甫墓勒立

福建金石志 卷十三

石

陳畧云像在石筍橋南香火頗盛祈禱者趾相錯記文集右軍書其字

大半出于聖教序聖教所無始佐以淳化等帖所據既狹故真楷錯出

不能如懷仁之一律圖足恭親模尚在終勝俗書好事者推也往往及

焉

桑溪題名 在閩縣 萬曆三十一年

萬曆癸卯上巳郡人趙世顯王崑仲陳仲添陳价夫馬欽王毓德徐煥袁

敬烈王宇曹學俊王繼章鄭登明高景林光寓康珍楊黃應恩賜訪於此

閩郡記云曲水在桑溪上流登雲路之下有茂林脩竹之勝相傳閩越

王流觴之所宋郡守有複遊亭今廢

榕亭詩鈔小注昨遊桑溪觀曲水極趣仁甫諸公題名

案隸書七行八字方寸在東關外登雲里

桑溪石刻二字 在閩縣

蹟勝

冠梅堂金石錄云桑溪嚴壁有隸書蹟勝二字相傳為曹能始先生所

書

重興羅山法海禪寺碑 在閩縣 萬曆三十一年

晉安中興羅山法海寺碑

賜進士第禮部儀制清吏司主事四明屠隆撰

將任佐郎福州府照磨廬陵歐陽序書並篆額

晉安法海寺亦名羅山堂五代時叢林號最盛高納嗣法列名傳燈者如

雲初道開禪師希若頭言下頓悟餘眾千數廣開茲山後口口義因義聰

并以名德衣鉢相承閩南禪場久推法海繼宋歷元香火不斷至

明肅皇帝嘗寺口就長豪家因侵為苑囿寶摩蓮臺圯于寒雨口毫金相

棄之上灰昔昔結夢修視晨梵夕唄地一旦化為酒肉絲竹淫哇之場過

者樓制傷焉更敷主而轉屬侍御益公為別業公以直古忤時宰歸垂囊

福建金石志 卷十三

肅然至孫圻挈入口就棲焉圻為諸生有名口讀內典暢曉宗乘洞明因

果慨然曰古人舍宅為寺以寺為宅可乎雖遞易遞改以及于我辜不繇

已顧念鴈斯咏斯斯斯哭斯啼昔三寶地也焉所逃業且捨復還實所予

志也而予別無一節以蓋頂何會善士張君思倉孝廉徐君燧前將軍張

君奇峰上人精宗與諸檀眾共襄緣事太學洪君士英以其尊人所祀

三寶諸像送俱且捐金焉監君遂欣然捨宅而黃君公健施大乘經若干

部而提舉施君天經文學林君昭錫各捨白金一時當路各捐俸為助及

鄉宰官長者居士各量力布金於是殿宇金像煥然一新而戶部陳君口

勉復捐百金莊嚴金身丈六延尉曹君學佳大令陳君一元口侯蔡君炳

助緣有差鳴呼監君不難去集穴而復實坊諸賢翦然發弘願而襄勝事

盛矣夫佛者覺也覺迷則無罪不消法者舍也能舍則無法能縛諸君子

覺矣夫矣不獨共蹟勝果抑口口口聞提無聞之業得從未滅權波之所

及者弘偉矣

萬歷癸卯秋九月望日

徐帳亭交遊題名記 在鹿坪山 萬曆三十二年

有唐柳宗元爲其父御史公撰神道表石陰書先友五十六人凡天下善士舉集焉且曰信讓而大顯道博而無雜今世之言交者以爲端余兄三十九而天所交海內名公若干人或以文藝受知或以詩詞見賞咸謂知交煥竊效子厚先生遺意錄其最相知而最有名者紀其名字爵里千秋百歲後不知其人則請視其友福建提學副使顧大典字道行吳江人南京太常寺少卿王世懋字敬美太倉人翰林院修撰楊起元字貞復歸善人吏部郎中劉學曾字唯一光山人監察御史鄧鍊字文純南城人徐開知縣熊敏字汝顏新昌人都御史江鐸字士振仁邗人都御史金學曾字子魯錢塘人太常寺劉日升廬陵人鄉貢士張鳳翼字伯起長洲人福建布政使管大勳鄞縣人太學生張獻翼字幼于長洲人太學生王稱登字百谷吳縣人長州知府屠本峻字田叔鄞縣人袁州推官徐桂字茂吳仁
福建金石志 卷十三
和入處士曹昌先字子念太倉人江西按察使張開恩字膏父長洲人福建按察使楊德政字叔向鄞縣人鄉貢士胡應麟字元瑞蘭溪人文學梅守箕字季豹宣城人貢士梅鼎祚字禹金宣城人湖廣寧鄉縣主簿梅蕃祚字子馬宣城人處士吳夢賜字允兆長興人貢士陸君弼字無從江都人處士俞安期字義長吳江人處士吳運嘉字叔嘉長洲人都指揮使王元坤字德載上元人中書舍人曾士鑑字人倩南海人處士柳應芳字陳父通州人鄉貢士馮大受字咸甫華亭人處士沈野字從先吳縣人處士沈咸字程咸吳縣人鄉進士文從龍字夢珠長洲人鄉進士文震孟字文起長洲人饒州府推官阮自華字堅之桐城人都督同知王廷世字思延信陽人中書舍人趙士植字常吉永嘉人鄉進士許光祚字靈長錢塘人太學生吳豫證字翁晉孝豐人處士盧純學字子明通州人處士茅榛字平仲丹徒人處士張正蒙字子明上元人處士閔麟字壽卿歙縣人鄉進士鄧文明字太素南昌人處士錢允治字功父長洲人鴻臚寺序班程應

微字康伯歙縣人光祿寺署正張邦制字儒愚鄞縣人鴻臚寺主簿張邦岱字儒宗鄞縣人處士陸文組字慕父吳縣人太學生周祖字叔崇吳江人貢士張應文字成叔慈谿人鄉進士黃景我字仲高鄞縣人處士黃之璧字白仲上虞人太學生曹志伊字重甫青浦人處士張振藻字去華上海人處士王野字大古無錫人鄉進士李元暢字惟實茂名人龍南知縣李元若字惟順茂名人霸州同知張昭字叔麟永嘉人處士趙我聞字用獨安處人太學生吳衛璣字載伯孝豐人太學生朱宗吉字汝修濠梁人鄉進士李維極字本建景陵人鄉進士李維柱字本石京山人處士吳治字孝甫歙縣人教授張三極字函一臨清人沔陽知州鄧良佐字德咸南海人鄉進士周應願字公謹吳江人南寧知府溫景明字永叔順德人府通判劉克修字少已南海人處士鄧子遠字嘉文丹徒人貢士劉克治字李德順德人進賢知縣黃汝亨字貞父仁邗人戶部郎中王大合字君密成都人鄉進士袁中道字小脩公安人太學生趙順光字凡夫吳縣人處
福建金石志 卷十三
士吳城字之衡長洲人鄉進士李衷純字玄白嘉興人處士黃嘉芳字仲華長洲人徽州同知凌登名字元孚仁和人鄉進士方晉字寅初江夏人鄉進士張熙德字日肩南宮人太學生何思唐字性中會稽人處士顧廬字朗哉吳縣人太學生郁承彬字孟野上海人右名公皆先兄有詩文往復者隨筆記之至於碩卿鉅公同榜兄弟雖有交遊此不敢序若不以文字交而號莫逆者又不可勝數以其不在詞人之列不載萬歷甲辰第
閩中錄云帳亭既死與公爲其兄樹墓碑碑陰題帳亭平日所交遊諸友姓名記云云
重建法海禪寺碑銘 在閩縣 萬曆四十年
重建羅山法海禪寺碑銘
賜同進士出身承德郎工部營繕清吏司署員外郎事主事長樂謝肇淛撰

福州東南羅山法海寺建於晉開運之二年時道閑禪師開山闡教法嗣
代與唐宋元至今七百禪履屢復香燈無改至 明嘉靖初孝廉高敘
據為別業連雲寶刹變成歌舞之場搖日法輪委藉烟霞之逕卧毘沙於
秋草沈定水於劫灰見者傷心言之擗豈期法不終夷燈難頓熄展轉
易主遂屬侍御藍公濟卿至侍御孫圻吳大智識發菩提心悟浮漚之不
恒悼宗風之久堅慨然盡捨歸寺以繼罪悔以祀 天子萬年於是四方
慕義雲集宰官護法長者布金庀材鳩工物力減具法師悟宗上人忪行
堅忍戒律苦嚴向在鼓山開洞鑿雪飄雲登處慮跡木屑竹頭事
得理不數年開門廊殿宇秩然一新百年寶所復還舊觀丈六金身重開
初地雖空門無相不滅不生而起念分頭即佛即鬼洵無量之法力曠世
之盛舉也經始於萬曆己亥而迄壬子維時郡人謝肇淛嘉其精諦而樂
其成爲之銘曰

瞻彼羅山 蒼蔚朝隤 頽隤帶川 既闢珠林 雲楣棟楹
福建金石志 卷十三

福建通志 卷二十六

稱究率天 藏丹之壑 狡狴夜吼 金人則遷 酸風射眸
鷺飛於桑 雞棲於蓮 歌斯哭斯 神之聽之 苟亦無然
煌煌肥馬 天篤克世 靡願弗堅 飄如振槁 忽如脫屣
慈割愛鍋 惟宗上人 不遑啟處 草蝕荊穿 累寸爲楹
積錄成堵 石簪陶甌 巍巍我我 如鳥斯草 形隔輝鮮
赫赫金身 日光霞彩 飛動闌駢 展彼翠嶽 山雷爐氣
無雲斯烟 金鐘寶鐸 松濤竹韻 無籟斯傳 譬彼甘露
兜茲火宅 何福不田 聖教大力 伴天極地 永萬斯年

里人徐勳書 莆田聯輝勒字

妙吉祥館筆記云法海寺內有二碑一爲謝在杭撰徐興公書一碑載
曹能始陳一元題字

梅輿呂公橋碑銘 萬曆四十一年

洵之疎溪之委有巖突兀公停轡埒則梁之周加低有屹者城永安利潮

去潮來公再至

崇相集云呂公橋爲備兵使者呂公純如作也萬曆癸丑秋公視師海
上因視龍塘堡降輿度梅嶺斗門堡民德公兒瑋曰此地承公履吾梁
以志之俾勿忘乃浮海附嚴趾梁以九石爲門四乙卯夏竣工暨碑
友人考功郎董應舉爲之銘

芙蓉別島題字 在閩縣

芙蓉別島 雁湖

衍案在花園衛石高畧與人齊別島相傳舊曹石倉先生別業但據先
生子孟善撰行狀稱先生雁澤府君不稱雁湖不知是一是一
妙吉祥館筆記云花園衛民家中有碑未審時代不知即此題字否

圭峯山石刻 在南安

鄭孩如先生讀書處

南安縣志云莊際昌題

福建金石志 卷十三

大

福建通志 卷二十六

衍案孩如名維嶽明末人博學久不第官曲肅同知

改建栢姬廟記 在福州

自古沒世而名湮滅者不可勝數獨忠義之神千古猶生故長宏之血化
碧子胥之氣爲濤非虛語也閩會城有栢姬廟舊志栢帖穆爾蒙古人至
正間以行省郎中蒞閩國朝兵下福州栢帖穆爾知城不可守乃引妻妾
登樓諭以大義于是死者七人其女甫十歲亦與其難後人憐而祀焉一
說麻喇國哈卜滿永樂十三年率妻子入朝卒於三山遂家焉事聞詔有
司督葬月給其家銀三百其子感國恩築京臺者白雞司晨朝拜令女
養雞雞斃女以奉父節不謹慚懼從井死自是家人時見女與雞出入壺
闔今神即此女又案晉安逸志麻喇國王女前身名阿罕得兒奉如來之
教師事慈愍獨眉和尚以心慕貴盛遂輪回麻喇王宮獨眉聽知之必欲
終度此子亦合掌而逝托生王宮爲白雞王女見而絕愛之永樂間王率
妻子詣闕內屬未幾病死女與白雞居忽人語曰阿罕得兒來前頗憶慈

嶺周旋乎女大悟叩頭檄梅難乃說偈竟女即持難而化閩人異之號曰白雞小姐二說頗同異其孰從而辨之由前之說理甚正而事亦有據由後之說稍涉怪誕似不經見然宇宙大矣何所不有又未敢遽謂其河漢而無當也博採先儒之論多從栢姬且廟去栢氏故宅不數武白雞云者未必非拾遺十娘之說姬廟舊在院署之右後遷於左附嶽祠後寢余更為持祀之經營其事而捐俸以佐之者遊擊將軍褚翰也

績語堂碑錄云明巡撫商周祚撰

衍案周祚會稽人萬曆戊戌進士天啟開巡撫福建

青原公墓碑 在漳浦 天啟七年

於乎是我贈考青原黃公之墓於乎公履仁導軌隱德藏器通不於身於其來嗣於乎公逝蓋十八年乃應錫命明年乙丑文母旋自京師過葬我公又明年文母則逝明年丁卯始合葬於茲於乎惟二人作德貽我來人亦惟來人作德我二人其享之於乎永世念哉公行十九小諱季春字嘉福建金石志 石十三

卿銅陵人以字行生甲辰相於丁未妣陳氏行三生戊申但景黃蓋百四十三歲葬於縣北之州市山子長士珍次道周是肇封假於有廟時丁卯天啟七年男道周志

竹開十日話云漳浦黃忠端公塋在北山東折至公父青原公墓嵌石作先後天八卦河洛正變之文青原公墓志石刻嵌墓正中猶篆二十

二行行八字字一百七十六大徑寸中端公所書也今釋其文云云

青原公墓卧碑

青原玄窆

諱謙之山不可踰縣縣相邱壘所都五德四曜盤華跌天潢天末天開圖文孫文子恭口踰

竹開十日話云又卧碑一道在墓後鐫云云四大字碑陰系以銘篆文

三十有五獨一字考釋未定闕疑

姬嚴刻石 在永福

古雞嶺

來天堂

三永泰縣志云北十九都白雲鄉明曹學佺有古雞嶺刻謝摩洞有來天

臺刻

許玉史石刻 在閩縣烏石山

松嶺

紡授堂二集云過石林見亡友許玉史學使手勒松嶺二字

案五史名多侯官人崇禎辛未進士官浙江按察僉事改提學副使

鶴鳴山石刻 在龍溪

海日江春

福建續志云明陳天定書

林梅菴墓碣 在侯官

元進士閩庠教諭梅菴林公墓 明江寧縣知縣曾孫真百拜立

福建金石志 石十三

榕鄉風味云墓在龍腰山公諱重器子元鼎號梅庵元延祐二年乙卯

進士以親老為閩縣教諭稱鳳池林氏嘗攷元史仁宗納李孟之言崇

尚經術以延祐二年初行科舉罷詩賦用經義分蒙古色目漢人南人

為二榜即以李孟知貢舉廷試親策仍以孟為監試官賜進士五十六

人而張文穆公起嚴為之首此外如黃文獻公潛歐陽文公玄許文忠

公有王楊待制載皆是科進士並以儒術吏治文章節義顯得人之盛

實為有元一代之最而公以邊海孤士得預名於五十六人中 是時福

立省隸於浙江史稱 且與張黃歆許諸公齒可謂榮矣又按黃文獻集

中為其同年許晉孫志墓云上方好儒進士當得官者悉命畀便近地

以寵榮其初遇則公之得為閩庠以祿養親亦出當時殊恩異數非常

例也林氏舊譜載公有梅庵類葉

武帝廟殘碑 在清流 隆武

天興府行 萃士林立忠

閩雜記云清流縣城南武帝廟廊下有碑字多漫漶惟前一行有天興府行四字尚可辨按華廷獻閩游日記唐王正統閩中改福州為天興府延平為延興府以二府為上游泉漳汀郡為下游各設撫按此云天興府當其時所立碑也又言時改唐古士為庶萃士此碑中一行有萃士林立忠五字完好據記則萃上當有庶字林立忠人姓名也

福建金石志 石十三

主

福建通志 總卷二十六

福建金石志卷十五

石十四

清

重興長慶寺碑記 在侯官 應治中

閩之封域肇自崇山環以鉅海秀拔浩瀚之氣人文蔚起猶幸於出世聖賢故歷代以來祖師星列而梵剎基布然皆藏於窮涯絕壑間興廢不時惟長慶寺隸晉安都會離城西可數里其山蜿蜒舒徐形若飛鳳開敞平曠規模宏大真甲諸方又有古剎插天圍繞如錦城尤增勝概蓋自唐咸通八年觀察使李公昌溫延懷安禪師首開法席為此山鼻祖初名怡山後唐長興中始更名名懷安得法於百丈自倡法茲寺薪火相傳大先知識凡二十八代可謂盛矣歲月既久寺且頽毀宋天聖中曾經重修明宣德二年再修之初寺有田五千餘畝資僧清修厥後苦於徭役真僧散去匪類分踞戒律掃地而田亦蕩盡矣明崇禎間僧華雨矢志興復因緣未就而歿嗣當兵燹焉疎懶為茂草清興順治己丑粵東空隱大師詣道獨杖錫入閩以向闕懷安語錄有契於心尋訪遺跡見古剎荒涼徘徊而不忍去於是大中重修公國擁發心倡緣文武諸宰官無不景從為豁徭役清淨糧龍象如集鼓鐘再振當是時修廢舉廢庶務叢集其高足函濟總持院事未幾空隱大師返粵第一肩擔荷黎藩陳公台孫復景慕助緣四方善信又從而出力施財積日積歲次第畢舉凡所統歸為佛為菩薩為羅漢為天王為草獸為伽藍為大悲金剛凡所建造為山門為觀音閣為天王殿為準提壇為法堂凡所修葺為大雄殿為伽藍殿為兩廊為方丈為僧寮為禪堂為齋堂為影堂為倉樓更鑄洪鐘雲板以警晨昏其前後贖回田五百畝園五百畝果樹數百餘株禪洲庄一所供佛飯僧於是乎頓之函濟之徒今禪領眾西堂祖風再播清規整肅座下皈心焉於戲興復之難倍於開創雖曰時節因緣然必待其人而興使非空隱大師道高德重而其子若孫善繼善承精勤不息何以臻此惟願後之同住道場者

福建金石志 石十四

一

福建通志 總卷二十六

李各願力長護福庭以答龍天則善矣爰勸貞珉以垂永久云

案見長慶寺志林涵齋撰文

寧隱和尚偕法緯定者二禪師塔銘 在候官 康熙間

自航葦西來燈衣東土宗雖分五而實本於一源開則雪峯玄沙而後薪傳不絕此佛法之所以亘震旦而常輝也蓋由祖賢而孫復克負荷之作而子仍善繼述則佛法長行如鏡光交羅川流不息此法中龍象必待其人非可苟也今觀於怡山長慶空隱和尚父子孫一堂創造機緣則大有足述者按和尚諱道獨字宗寶別號空隱廣之南海人六歲失怙見佛輒拜頂戴六祖壇經日禮大士像求識字忽覺身騰空中汗透毛孔醒而通其義理數行但下年十四辭母出家然性至孝母常病渴走二十里求山泉抵城關始獲掌邑母歿後參訪名山遍禮耆宿呈倒騎牛頌於博山大為所刮目為更今名受具足戒臨別囑曰汝八月當再來無辜負老僧及期未至而山已示寂豈此語遂為末後付囑乎和尚由是閉關金輪峰徙福建金石志 卷十四

福建通志 卷二六

黃巖堅意不出然猶慮博山一燈未續於人間也遂應粵東宰官請往繼浮宗風大振人咸傾心吾閩聞其風以鴈湖請和尚遂航海至閩值鴈湖為山寇所據由丞臺督諸大夫士延和尚住長慶蓋長慶為唐懷安祖師闢百丈之遺訓開山說法處也和尚欣然就聘遂使祖席重光鼓鐘再震修廢率墾荒畝勸侍和尚者固多高賢而法緯大師則尤為其最先者焉緯公名誦字微州黔縣人初得戒於博山與和尚同在禪堂中片言契合遂相投如水乳凡出入必俱閉關金輪時探薇簪糲三載資其困乏及重修華首腦手胼足以供厥事敦請全藏經文作鎮山門蓋師禪年出家復歸養母母然然後出了法門大事其出處與和尚若合一轍宜其所需如左右手也若長慶重興雖宰官善信其襄厥事然非和尚父子堅深願力安能鼓舞人心至此時以院務難其人眾推緯公和尚遂從輿論付託之田午歲和尚返粵東緯公亦抵芥庵侍左右居數月和尚以長慶事未元有偈促其歸曰佛法無多子吾仁心久長始終無變異堅固等金剛愈

退愈有力愈明而愈藏詢君端的處報道種瓜忙末句蓋舉緯公當日金輪峰遷地時答萬里無片雲如何語也師歸長慶而還師命不設少怠復舉其舊者新之缺者補之鐫洪鐘贖田固足其所未備且重建法堂規制莊嚴庶幾以續懷安當時叢林之盛是守成而兼開創者子益服和尚之能知人而大有造於吾閩也緯公高足定者禪師名今禪惠州歸善人幼秉慧資十歲隨其祖巨大埔聞喪母因發願長齋年十二夢佛舒手摩其頂遂皈依和尚求立法名嗣而赴匡山歸宗求披剃列於侍者一日和尚問如鏡鑒像像成後鏡光向甚麼處去答曰不見廬山真面目只緣身在此山中和和尚肯肯曰爾應師法緯公則其期望定師固深矣庚寅冬定師從霜雪中躡足度嶺至見和尚於方丈而泣曰生死事大和尚曰汝自東莞遠來途中辛苦且向安息去一日舉瑞巖問嚴頭如何是本常理思多不解定師反覆經月忽有省入室向和尚和尚領之嘗圖和尚像請題偈曰這阿師三寸甚密不許人知何期動也需全機却被禪兒窺得實知野

三

福建通志 卷二六

老不相欺曉從教露布難藏留與人天作範規後以西堂許定公蓋親對緯公言也詎意和尚歸粵未幾示寂於順治辛丑七月二十一日俗壽六十二僧臘三十二而定師亦隨於康熙戊申四月八日寂享年四十有四僧臘二十有四噫緯師上表其師下凋其徒而獨荷重任於一身厥維艱哉然道法為重惟願緯師長任世開為叢林棟梁也淑善信賢弟子輩仍於怡山西邊之榜伽山鳩緣造塔葬和尚髮齒以示不忘所自左為總公壽藏石以葬定師他日常寂光中父子孫相視而笑不亦休歟之蕃生而交其人死而銘其塔又深嘉緯師守先待後之心與夫力肩長慶之任至老不倦是真不負空和尚所托而足以紹懷安之遺者也故樂為之銘銘曰蒼鬱怡山禪林第一隋唐宋元慈雲慧日湧山懷安創居壇室二十九傳圓通秘密運當明季兵燹離披機緣未就道德遠播華首尊宿落我海涯宗風廣播樸實坦夷相贈莊嚴物沾餘潤棟宇聳飛鼓鐘響振惟公與卿布金無吝維子若孫努力精進摩兄智及法席重興山臺道種謹烈

五承一堂繼志淵涵源濬無分壽夭豈論壽能勝彼高丘荔陰浮想不朽者名所藏者魄江水迴環舟車絡繹億萬斯年瞻仰片石

長慶寺志云林之蕃撫

心一禪師塔誌銘 在侯官 康熙十年

師諱圖諸號心一俗姓林氏閩縣人也年十一剃度于楞伽山轉華神寶偏公遠偏公移入越山華林寺師與其師兄元和公隨焉華林為龕祖師法席寺建于晉太康元年歲久且毀和公竭力重修師盡捐衣鉢莊嚴金容起人瞻仰博山無異和尚入闍闢法鼓山師既依座下授具足戒因閉關越山三年參究本分事適翰林陳公澧源延公在越山寺居久之先中憲復延公在梅花庵後值玄沙古剎遭遭兵燹幾至廢墜歲已亥余與諸善信士延師進寺住持庶鐘鼓再震祖庭重興師之功也師嚴持戒律修顯陀行性澹泊菜根蔬蕪破衲敝履口然安之其德宇謙冲寡言語異口紛渾然不見人過平生誦誦華嚴法華圓覺金剛諸大乘經幾百千遍且

福建金石志 百十四

四

福建通志卷之六

朝又專持觀世音名號數十年如一日以康熙戊申十月初九日巳時無疾而終微笑端坐顏色如生眾稱異焉師生萬曆丁酉二月二十七日酉時世壽七十有二僧臘六十有一其徒明時等徒孫淨在等卜塔于賢沙之左以辛亥年四月朔日奉全身藏之以予深知師請銘焉

法弟林之蕃頓首拜撰

重建九仙觀三清殿碑記

在閩縣

康熙十年

八閩多崇山峻嶺其奇秀偉麗之區皆為天竺先生梵剎而為神仙所居者則僅有太姥武夷九鯉潭童石竹姬巖稱殊勝矣然皆在乎幽險僻遠之地士大夫政理之暇思遊息澄懷之樂不可得而至耳惟九仙山獨在海甸都會之中俯瞰崇城廣陌沃野平疇而青蒼欽崙有蒼頭華青牛洞集仙巖龍舌泉諸勝遠則九邑山川之縹緲百里江海之烟雲皆納於目傳稱何氏初修煉於此後乘九鯉而飛昇云夫神仙洞壑不近人間烟火而九仙獨修真於此者得非愛其巖洞泉石之幽而忘其塵望之邈耶

抑今昔違邈岑寂繁華固有不同耶仕宦茲土者使獲展其經綸經緯之才復能娛情於山水神仙之趣則人間物外之遇不為東隅乎三韓王元以佐大藩入閩良謀碩畫懋著厥績每命駕茲山樂泉石於佳晨訪仙之遺跡觀仙觀將祀謀所以鼎新之而同事諸大夫咸相率以助盛舉遂鳩工度材重建寥陽殿雄敞壯峙鐘煌耀日中奉三清寶殿莊嚴肅穆仰生敬用表祝釐焉夫道家之立三清者歸重於老子者其言有曰聖人無常心以百姓之心為心我無事而民自富我無為而民自化則老子之書實有裨於治道者故從昔帝王推崇之典蓋與儒釋並隆焉公有敏於其志而專事獨虔非有募於修煉飛昇之事其壽國庇民之願可謂宏矣既竣工公令子希聖命余文以紀之余惟公既出其風擅以嗣於時矣產復通於道教如此蓋公平生重厚醇熟寧靜淡泊深契於清淨無為之旨且微乎有德與功者之有後也於是乎紀之公名梅子秀東官中憲大夫三韓人銘曰 九仙有觀自宋崇寧五百餘載清山不崩廟祀爾修仙

福建金石志 百十四

五

福建通志卷之六

人若聞石牀丹井春南秋雲彼哲王公生於北海愛茲仙山鸞鶴如侍二清之殿公為丹營雄麗伊何上祝於京奚為仙學公曰禮樂奚為仙教公曰忠孝公之壯猷廟真邊等公之備美神仙山水遺厥後基文以紀之康熙歲次辛亥口月吉日

賜進士第奉政大夫御史里人林之蕃撰

百字碑在侯官 康熙十一年

鄰霄亭祀垂百年客夏震合力經營追山廢蹟以次修舉維時靖南王口殿下推二劉公奉 皇帝命休息吾民比歲大稔山海無事亭成閩人樂之爰紀厥事磨文於巖頌 皇帝德傳之俟人其永無致康熙十有一年壬子春內陞前侍御史郡人蕭震題 闕遊詩話云鄰霄臺在烏石山亭即名鄰霄康熙初郡人蕭侍御整葺修復古跡並建仰止亭觀海亭諸勝鐫崖勒銘名百字碑在亭下侍御死取逆之亂著有道山記略

烏石山志云八分書錫石大頂

半源 竹坑 在侯官 康熙十一年

烏石山志云隸書鐫清冷臺西竹垞朱彝尊號秀水人

羅源石刻 康熙二十二年

謝湧

康熙癸亥春日邑令梁文燧題

羅源縣志云在拜井里聖安寺後石罅有泉石刻云

樂說辯禪師塔銘 有引 在侯官 康熙三十四年

三際本空二死永寂乘其志願示以去來按公諱字樂說廣州番禺麥氏子家世業儒公幼為書生通達大義年十九過雷峰見僧坐禪忽悟身世無常須臾變壞惟事佛入道是所止之地即棄俗禮天然和尚於廬山之棲賢一見器許未幾即為剃度稟具命執侍左右始知有宗門向上事矢志研窮期於智證公事師至孝苦行精勤雖祁寒溽暑未嘗少怠一

福建金石志 石十四

大

福建通志 卷二十六

日天和尙舉世尊降生雲門行棒因緣公聞之豁然開解坐僂有一條柱杖兩人扶却向虛空強打摸之句天和尙肯之越八年隨侍回粵開山丹霞公備歷諸職服勤眾務心無少懈與同門阿字澹歸諸公同見同行互相磨礪最為莫逆丁未七月十五日親承天和尙印記付以衣法諸機緣具於別錄天老人赴歸宗請澹公推公王丹霞開法公不得辭經數載天老人涅槃阿澹二公亦歸公復移任海幢雷峰諸刹所至四眾皈向當道紳衿皆共護持又若干歲後因編集二代諸錄送至嘉禾八載復念長慶空祖過化之地取道入閩眾護法請補空老人法席上自公輝大天下至縑素貴賤無不人人傾心悅服公亦攝之以無緣慈叢林復振典型俱備眾滿千餘指結制解制上堂示眾諄諄接引志不少衰僅滿三載至康熙乙亥元旦無病示眾預定歸期有七人八穀之語至初八日果別眾而逝傷寒弟子陳宗柏者奉師遺蛻塔于後禪師翠塔之右世壽五十有九法臘三十有八乃請予為之銘因思公之來也應緣而來來無所來公之

去也機盡而去無所去無去無來住無所住此公之無住住處也銘何以辭謹銘曰

怡山祖刹宗風久噴寶鉤過化枯木花開更五十年鼓鐘寂寞樂公嫡孫繼振斯鐸往者以復濁者以澄吹大法齋如日東升葉落歸根不眾坐脫飭然無繫空自鶴龜魏翠塔稜祖之旁熾然說法草木皆香

長慶寺志云鼓山住持釋道需撰

越山書院報功祠記 在福州 雍正十一年

越山書院報功祠室碑記

報功祠者報贈禮部尙書大中丞清端陳公振興越山書院之功而祀之也越山在會城之北翠屏峯聳人交所鍾采承相魏國公張諱澆讀書處光宗賜額曰經學寮嗣改書院堂祀周邵二程張朱六賢歷代興廢不一迨我朝崇儒重道春秋遣官致祭諸生絃誦其中而書院大振康熙丙子北武庫災延熾及院遂成灰燼書院復廢適洞秋林公懸車里門慨然出

福建金石志 石十四

七

福建通志 卷二十六

囊中全為倡捐傑閣三楹以妥六賢神位書院不至鞠為茂草林公力也然而堂廡門楹叢飛鳥草館未壯觀戊戌陳公奉命撫閩念閩為理學奧區以風化為已任蕭書院虛咨制府費羅滿公檄郡邑相度形勢登幣美五百餘金鳩工庀材秋七月經始廊舊基而大之公意落成後講學其中諸生亦以公真其人鹿洞舊湖復見於今日也不意百堵甫興而公遽歸箕尾以去多士顧瞻懷桐泰山梁木之感實鍾厥心思無可以報公者惟以組豆報公相與請於當事得報可乃進公木主於六賢座側雖春秋二丁得一例官祭而公振興斯院之功實鉅不可無特祠於是多士復謀祀公擇地於院之左阜置其事者實洞秋林公令子玉伯公也蓋公之靈寶在六賢左右附祀公主於書院諸士報公之心不安隔遠建祠又非公振興絕學之意也茲歲仲春之吉特祠告成進公主於新廟前運憲陳公諱大輦者亦賢能義事有力祀於左洞秋公捐金起廢祀於右倉謀皆同願日報功禮也諸君子伐石為碑屬余記其事而鐫之余不敢以固陋辭竊

以茲祠之成三善備焉報陳公之功而知書院之不可廢一也知書院之不可廢緣陳公之心而使賢有司之贊襄鄉大夫之恭養皆得並祀二也俎豆薦馨億萬斯年先賢之學不墜多士讀書其中在家為孝子在國為良臣三也至陳公前後凡四至闡仁聲清德上格聖聰下達重叟余不勝述從祀陳盛靈之賢洞秋林公喬梓之惓惓雅意亦於是役窺見一斑爰不揣書其大都以垂於後焉

賜進士出身奉政大夫刑部四川清吏司掌印郎中翰林院編修充三朝國史館纂修官政治典訓館纂修官庶吉士加一級治年家眷晚生張煒

賜進士第文林郎知江南太平府當塗縣事癸卯科江南文淵同考試官甲辰科文武兩關同考試官治年家眷晚生林緒頓首拜書丹

賜進士第承德郎戶部貴州清吏司主事治年家眷晚生陳世賢頓首拜

福建金石志 百十四

正 上 一 歲 仲 春 上 游 吉 旦 立 石

子山題字 在閩縣 乾隆二十六年

月朗風清 乾隆辛巳郡守李拔題

月井流香 乾隆辛巳劍南李拔題

登雲臺題字 在閩縣 乾隆二十七年

登雲臺 乾隆壬午郡守李拔題

望耕臺題字 在侯官 乾隆二十七年

望耕臺 乾隆壬午郡守李拔題

福州府志云烏石山范公祠前有石特起如臺眺望城外南畝耕耨者如

在目前郡守李拔夏日憫農每登其上望之刻其石曰望耕臺

鏡湖亭題字 在侯官 乾隆間

湖山勝處 李拔

衍案在西湖開化寺後小孤山上一福高與人齊

鼓山題名 在閩縣 乾隆二十八年

乾隆癸未暮春余將赴閩同年齊侍郎召南為余道鼓山之勝及適鑿書院以盛暑不克往昔方伯繩柱朱觀察珪先因勸農攬眺歸示以詩官屬和焉重九前三日約同里吳編修嗣富暨閩士陳廷璜余位躬田振藻郭可敬鄭紹英遠芳丁元春魏瑛劉永標李光雲玉聰蔡葵元毛鴻破曉煙出水部門憩解院日午到湧泉寺歷靈源洞曉鐘橋忘歸石龍頭羅漢諸泉鏤石門登水雲亭復觀福水巖旁晦翁書壽字古哲題名如林紛不可選紀摩草久之蕭聲乃返寺豈旦欲尋白雲洞以謀道登白雲峰遂造芳巖之巔時靈氣澄肅天風海濤蕩激耳目乾端坤倪軒豁呈露大小中山恍在趾下回望榕城直同并底耳茲道信宿寺中神遊象外命美元書同遊姓名勒諸石門側

衍案仁和沈廷芳著有隱拙齋集載此題名蓋即廷芳入福建王荳峰書院講席金續修福建通志時也

福建金石志 百十四

三百二十有三士亭記 在閩縣 乾隆四十五年

余奉命來福建科試福延平汀邵武建寧五府士既畢旋福州試院實當

庚子之夏余北人不勝此閒之暑也暇日於其西偏隙處構小亭諸生閒

之爭來人致一石刻名其上凡九府二州五十八縣及於海外咸具刻名

者至三百餘人因名其山上之亭曰三百三十有三士亭面亭濬池清泉

潄然而出因名其泉曰養亭泉易曰山下出泉言泉之蒙者必養之而後

亨也山之左有門別為燕林林可高五丈餘百年物矣余關其口而得徑

通東北隅亦構小亭可逃此閒之暑因名其亭曰不炎之亭而名其林曰

葉林昔唐韓先生除鱸鴻之澤而潮人知學柳先生作永州小石城山諸

記而南人得所指授為文章有法度余視此竊內媿焉而有託於此者抑

以志吾南來與諸生相遭之跡如是而已亭既成當去此而代余者為余

弟石君亭之石有主者矣諸生服不忘余識余言何勉勸為學以學此山

也乾隆四十有五年歲次庚子冬十月十日大興朱筠記